


西藏記



碑文

聖祖仁皇帝御製平定西藏碑文

昔者

太祖文皇帝之崇德七年班禪額爾德尼達賴喇嘛
固始罕謂東土有聖人出特遣使自人跡不到
之區經仇敵之國越數年始達盛京至今八十
載同行善事俱爲施主頗極安寧後達賴喇嘛
之歿弟巴隱匿不奏者十有六年任意妄行拉
藏滅之復興黃教因而允從拉藏庫庫腦兒羣

西藏記上卷

衆公同之請中間策旺阿拉布坦妄生事端動
準噶爾之衆肆行奸詐滅壤達賴喇嘛並廢第
五輩達賴喇嘛之塔辱斃班禪毀壞寺廟殺戮
喇嘛名爲興法而實滅之且欲竊據圖伯特國
朕以其所爲非法爰命皇子爲大將軍王又遣
朕子孫等調發滿洲蒙古綠旗兵各數萬慰煙
瘴之地土馬安然而至賊衆三次乘夜盜營我
兵奮勇擊殺賊皆喪膽遠遁一矢不發早定西
藏復興法教賜令呼必爾罕冊印卽封爲六輩



達賴喇嘛安置福楊撫綏圖伯特僧俗人衆各
復生業於是文武臣工咸謂王師西討懸烟瘴
險遠之區曾未半載輒建殊勲實從古所未有
而諸蒙古部落及圖伯特酋長亦合詞奏曰皇
帝勇略神武超越往代天兵所臨邪魔掃蕩復
興蒙古所向遵奉法教坎康藏衛等部人衆咸
得拔離湯火樂土安居如此盛德大業非臣下
頌揚所能宣罄請賜御製碑文鐫石召地以垂
永久朕以何功焉而羣衆動請不已爰紀斯文

西藏記上卷

二

立石西藏俾中外知達賴喇嘛等三朝恭順之
誠諸部落累世崇奉法教無忽朕之此舉所以
除逆撫順綏衆興教云爾康熙六十年

唐碑附

大唐文武孝德皇帝大蕃聖神贊普甥舅二主
商議社稷如一結立大和盟約永無淪替神人
俱以證知世世代代使其稱贊是以盟大節留
傳知於後也文武孝德皇帝與聖神贊普德之
黎贊陛下二聖睿哲鴻被曉之今永化享矜愍
之情恩覆其無內外商議叶同務令萬姓安泰
所思如一成久遠大治之績茲觀同心以伸隣
好之義共成厥美今番漢二國所守見官封疆

西藏記上卷

三

洮岷之東大唐國界其塞之西盡是大蕃地土
彼此不爲敵不舉兵革不相侵謀封疆或有
積阻捉生問事設給以衣糧放歸令社稷山川
無擾各敬人神然舅甥相好之義苦難每須通
傳彼此相倚二國常相往來兩路所差唐差蕃
使並於將軍谷交馬其洮岷之東大唐供應清
水縣之西大蕃供應須令甥舅親近之體使兩
界烟塵不聞同場盛德之名頻無驚恐之慮行
人撤備鄉土俱安禮無相擾之犯番恩前代則

稱羨之聲遍於日月所照矣蕃於蕃國受安漢
亦於漢國受樂茲合其大業耳各依此盟誓永
不移易當三寶及諸賢日月星辰之下且陳形
俱爲盟設此大誓約如有不依此誓蕃漢背約
破盟者來其禍殃也倘傾覆以及動陰謀者不
在破盟之限蕃漢君臣並稽首告立周細爲文
二君之德萬載稱揚內外蒙庥人民咸頌矣此
日久剝蝕字
多脫落不存

西藏記上卷

四

洮岷之東大唐國界其塞之西盡是大蕃地土
彼此不爲一敵不舉兵革不相侵謀封疆或有
積阻捉生問事設給以衣糧放歸令社稷山川
無擾各敬人神然舅甥相好之義苦難每須通
傳彼此相倚二國常相往來兩路所差唐差蕃
使並於將軍谷交馬其洮岷之東大唐供應清
水縣之西大蕃供應須令甥舅親近之體使兩
界烟塵不聞同揚盛德之名頻無驚恐之慮行
人撤備鄉土俱安禮無相擾之犯垂恩萬代則

西藏記上卷

封爵

西藏地處遠徼自漢唐以來難以備考迨至康熙五十九年定藏後始封康濟魯爲貝勒阿爾布巴爲貝子隆布魯爲么頗羅魯札爾魯爲噶隆雍正三年封頗羅魯札薩克爲台吉雍正五年阿爾布巴等謀殺康濟魯亂藏雍正六年天兵誅叛定藏七年頗羅魯封貝子總管西藏八年封其長子朱爾嗎特策登併其婿那木札爾

西藏記上卷

五

色不騰即康濟之子爲台吉雍正九年封頗羅魯爲多羅貝勒朱爾嗎特策登爲輔國公十年封那木札爾色不騰爲輔國公封策零汪蓋爾通巴鐘子三人爲頭等噶隆十二年封其次子朱米納木查爾並其弟諾彥和碩氣以及達爾札章陸占巴巴雅魯大衍台吉等六人爲札薩克頭等台吉十三年諾彥和碩氣卒頗羅魯奏請將伊弟色陳哈什哈襲職爲札薩克台吉旋晉封頗羅魯爲多羅郡王其子於乾隆十

六年謀逆伏誅其黨叛奉

旨命四川總督策楞提督公岳鍾琪往討逆賊擒獲
後藏地復定除王爵

西藏記上卷

六

事蹟

西藏一隅諸鑑多未詳載考其地卽西吐蕃也唐曰烏斯國明曰烏斯藏今曰國伯特又曰唐古忒居在萬峰之中爲西方極牒之區環山拱合百源滙流自墨竹工卡而下統召之南西瀉頗得天地之靈脉布達拉之飛閣層樓麗色奪目別蚌色拉甘丹桑蔦四大寺拱朝於四方東與川滇聯界西北與青海接壤其北直抵河湟西通西洋西南達噶斯天文井鬼分野時歲稍

西藏記 上卷

七

寒物產無幾地多水泉土人以爲海眼春則凍醒而開夏秋陰雨覺盛土人分爲三部曰康曰衛曰藏康者卽今之察木多一路衛者卽西藏拉撒召一帶藏者乃後藏扎什隆布一帶此三部皆爲番僧之淵藪黃教之總滙其地民人尊尚佛教敬信喇嘛所最崇信者如達賴喇嘛班禪喇嘛噶瑪巴沙噶納等輩其他不迷性之呼圖克圖在在皆有不能枚舉爲人所崇奉信如靈神欽若活佛凡所謂呼畢爾汗者乃係身後

知前生之事人故敬之然番民風俗鄙污不堪人皆垢面蓬頭形類犬羊無論僧俗莫不以利是貪爲上古所不化之地自唐孝德皇帝以公主下嫁番王和親之後始與中國通往來其國之始爲君者乃額勒特莽固禮之後馬克巴之子納禮藏布傳數世至蘓隆藏干布其勢始大併西蕃地內附于唐以公主妻之而蘓隆藏干布又娶白國王之女爲妾唐公主好善修大小二召並築城于達布_{達布}拉爲官室唐蕃二國分定

西藏記上卷

八

疆界設立誓盟不相侵犯立碑于大召前永爲誓約相傳云昔唐三藏取經曾履此地今大召之前廊尚繪有師徒四衆之像云猪八戒招親之高老庄爾卽今之采里其真其誕俗傳如斯自唐而下宋元之間其國未聞明萬厯時太監楊英至其地賞勅封楚布寺業卽寺之紅帽黑帽呼圖克圖噶嗎巴沙嗎納二人爲西天大善自在佛如來大寶法王灌頂大國師賜予印冊封甲擦楞布氣褒玉楞布氣二人爲灌頂禪師

至我

太宗文皇帝之崇德七年班禪額爾德尼達賴喇嘛
固始汗咸謂東土有

聖人出焉遣使達

盛京約行善事歲通貢表西藏大召之地呼爲
拉撒拉撒者華言佛地也舊有城郭于康熙六
十年定西將軍護國公策旺諾爾布毀之改築
西南石堤自東北郎路山脚起至布達拉對面
小山招拉筆洞止長約三十里以遏藏江之水

西藏記上卷

九

勢今呼爲神堤每歲正月聚各寺喇嘛于大召
內念大經畢令衆喇嘛各增添砌惟此乃喇嘛
一役俗傳番王蘓隆藏于布乃觀音菩薩分體
之光化生故常在輪迴而其本性不昧曰根敦
朱巴曰根敦姜錯曰朔納木姜錯曰雲登姜錯
曰阿旺羅藏姜錯曰羅進仁進姜錯相繼轉生
凡六世皆稱爲達賴喇嘛而興黃教于西域第
五輩達賴喇嘛入覲

世祖章皇帝勅賜金冊印封爲統領西天佛教普覺

幹濟達賴喇嘛時有蒙古古什罕自青海起兵
滅藏巴罕据其地至其子達彥罕孫達賴罕皆
敬附中國後有第巴三節者專國倡亂古什罕
曾孫拉藏滅之蒙

聖祖仁皇帝褒封命嗣爲罕而達賴喇嘛又化生于
裡塘地方名曰噶爾藏嘉慕青海蒙古稱爲呼
必爾罕蠻人稱爲中凹革桑姜錯生二歲青海
蒙古搬至西寧之塔爾寺坐床復爲西方瞻仰
適準噶爾逆賊策旺阿拉布坦妄自生釁自伊

西藏記

上卷

十

犁遣其賊將策凌敦多布領兵攻殺拉藏罕甥
其子蕪爾札毀滅黃教荼毒生靈肆行猖獗蹂
躪藏地我

聖祖仁皇帝天地爲心以一隅之未靖慮一夫之失
所

特遣將軍額倫特都統色倫額革職四川提督康泰
統滿漢官兵分道勦伐渡通天河通天河卽三
木魯烏蘇敗賊衆而策凌敦多布分兵遏我糧餉軍中食
盡將士枵腹至哈拉烏素爲賊所困全軍餓斃

其提督康泰至拉里之西爲賊僧黑喇嘛誘殺
于是賊衆復逞螳臂肆其跳梁燬壞經典竊踞
藏地

聖祖仁皇帝赫然震怒遣靖逆將軍富寧安駐兵巴
爾庫爾以分賊勢爰

命皇子允禔爲撫遠大將軍統帥六師駐節西寧調
餉徵兵將塔爾寺之呼必爾罕

賜以達賴喇嘛名號給與冊印俾其主持黃教由是
遣平逆將軍宗室延信固原提督馬繼伯加議

西藏記上卷

十二

政大臣銜山東登州鎮總兵官李麟等率領陝
甘滿漢官兵于康熙五十九年夏四月護送達
賴喇嘛自西寧出口進征而策凌敦多布猶敢
施其故智三襲我營俱爲我軍所破斬獲甚衆
賊帥胆喪大將軍又遣征西將軍噶爾弼四川
永寧協副將岳鍾琪爲先鋒統領川滇楚浙滿
漢官兵由蜀之打箭爐出口大將軍駐劄木齊
烏素岩中調度秋九月大兵會于藏擒巨賊藍
占巴脫脫宰桑黑喇嘛偽藏王達格咱等招降

逆羽夷衆于是策凌敦多布計窮力竭狼狽遁歸西藏底定人民奠安月之十五日送達賴喇嘛坐床

勅封承教度生達賴喇嘛將其地土人民賜之居于布達拉有

御製碑文鐫石築亭于布達拉之南以記其事其康濟館阿爾布巴隆布爾頗羅額札爾等五人賜封有差于大召寺內設立公所五人會辦西藏大小事務康濟館係後藏人昔爲拉藏罕仲意因

西藏記上卷

十三

準噶爾犯藏努力堅守阿里有功封爲貝勒管理後藏以西之北一帶地方並拉藏罕屬下台吉阿旺雲登都納爾等二十餘人乃蒙古二千餘住居西藏均食藏內糧餉爲達賴喇嘛護衛遇有兵馬事宜卽帶此等行走阿爾布巴係工布人昔爲噶隆準噶爾犯藏堵禦工布口子有功封爲貝子管理工布以東一帶地方兵馬事務隆布爾係本藏人昔爲噶隆因策凌敦多布侵藏同札爾赴木魯烏素迎接大兵嚮導有

功封爲公管理東北一帶地方兵馬事宜頗羅
舊係後藏人昔爲拉藏罕仲意準噶爾犯藏領
兵迎敵被擄堅心不降始封爲一等噶隆辦理
達賴喇嘛商上事務旋封爲一等台吉管理後
藏札什倫布一帶地方兵馬事務札爾鼐係本
藏人昔爲達賴喇嘛蒼儲巴同隆布鼐嚮導有
功授爲噶隆又封爲一等台吉管理藏內附近
地方兵馬事務安輯莫定大兵凱旋至雍正元
年青海羅卜藏丹津犯順恐其擾藏遣松潘鎮

西藏記上卷

三

總兵官周瑛領川兵二千餘名由打箭爐出口
自霍耳甘孜一帶招撫未順番夷一抵西藏又
遣雲南提督郝玉麟統領雲貴兵官千餘員名
駐札察木多以爲聲援于次年六月探報羅卜
藏丹津遁入藏境之克里野地方總兵官周瑛
選精騎三百同貝勒康濟鼐帶番兵萬餘由楊
八景一路兼程追捕至噶爾藏骨岔阻雪回兵
是年達賴喇嘛

勅封西天大善自在佛率領天下釋教達賴喇嘛

以金冊印雍正三年師旋陞周瑛爲四川提督
于次年春撫捕類烏齊一帶番民雍正五年貝
子阿爾布巴公隆布魯台吉札爾魯等謀殺貝
勒康濟魯背逆不軌藏民告變蒙

世宗憲皇帝命內閣學士僧格副都統馬騰洮岷協
副將顏清如先馳赴藏撫綏人民以安番衆次
年夏四月

特遣都察院左都御史查郎阿爲正帥護軍統領邁
祿西寧鎮總兵官周開捷副之率領永昌協副

西藏記上卷

四

將馬紀師神木協副將周起鳳花馬協副將惠
延祖波羅協副將劉永貴及叅遊各四員帶領
滿漢官兵八千四百餘員名由西寧出口

命散秩大臣兼鑾儀衛周瑛爲正帥化林協副將楊
大立夔州協副將張翌並遊守各四員領川兵
四千餘騎由霍甘一路派雲南鶴麗鎮總兵官
南天祥援勦協副將姚起龍廣羅協副將馮鑾
及遊守各三員帥滇兵三千名由昌多一路三
路官兵尚未抵藏台吉頗羅魯糾後藏阿里札

什隆布等處番夷二千餘衆直搗召地擒獲阿爾布巴等大兵到藏縛獻軍營左都御史查郎阿等公同審實

奏其叛跡于九月晦日磔阿爾布巴隆布魯札爾等并誅其子于布達拉之前藏地復安

勅封頗羅爲貝子總管西藏事並議移達賴喇嘛於裡塘以杜豐端由是留學士僧格都統馬騰前鋒統領邁祿散秩大臣周瑛副將馬紀師並遊守各四員秦蜀兵二千名鎮撫其地察木多

西藏記上卷

五

留滇兵一千名派提督張耀祖劍州協副將姚起龍遊守各一員駐劄其地以作藏兵聲援是年十一月二十三日左都御史陞吏部尚書查郎阿西寧鎮總兵周開捷領官兵五千餘員名護送達賴喇嘛自召起程至裡塘四川重慶鎮總兵官任國學帶領兵一千名接替護衛大兵卽由裡塘各回本汛已酉秋周瑛被劾回京就訊派西寧鎮總兵官包進忠頂補周瑛之缺雍正八年準噶爾侵犯巴爾庫爾卡倫駐藏大臣

奏准派學士僧格總領遊守各三員兵一千五百名及唐古忒兵一千名出防騰古里達木遏其奔藏之路復于玉樞白兔河奔卡立馬爾納克產生根物角四處各派千把總一員帶番漢兵數十名設卡偵探每年秋雪降封山撤回藏內是年打箭爐口外之噶達地方廟工告竣

欽賜匾額曰惠遠廟達廟達賴喇嘛移駐焉裁化林協于惠遠添協曰泰寧除協兵另駐兵千有八百均爲達賴喇嘛之防護九年春總兵官包進

西藏記上卷

去

忠卒學士僧格陞蒙古都統出防騰古里那爾夏六月護軍統領青保大理寺正卿苗壽泰寧協副將加總兵銜楊大立領川兵一千五百名來藏換副都統馬臘及舊駐藏并臺汛川陝兵一千五百名於冬月二十日副都統馬臘統領換回其駐察木多滇省官兵亦一例更換十年春陞青保蒙古都統同加總兵銜楊大立出防騰古里那爾楊大立旋緣事回京秋七月陞青保滿州都統是年副都統李柱西寧鎮總兵官